

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Titulus VI. De Verborum Juris Canonici Significatione.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

De tacita approbatione his Scriptis data, dum Ecclesia Leges ex illis desumpta sunt, non loquimur, quia haec electa ad hoc loca solum respicit; nec proinde de illa, quam à Conciliis vel à Sacris Pontificibus acceperunt, dum ex iisdem Scriptis Concilia, Summive Pontifices suas hauserunt Definitiones, laudatis vel non laudatis Autoribus, cum approbatio ista ad loca, quibus praedictae firmantur Definitiones, restringatur.

## §. III.

*Quam SANCTORUM PATRUM Scriptis Jus CANONICUM autoritatem tribuat.*

## REGULA PRIMA.

Sanctorum Patrum Scriptis infallibilem autoritatem non tribuit excepta B. LEONIS ad FLAVIANUM Epistola.

Prima pars Regula patet ex C. 3. 4. 5. 8. 9. 10. DIST. IX. in quibus AUGUSTINUS Doctorum Scripta cum Scripturā Sacra comparans, expresse docet, non licere dubitare de his, quae Scriptura tradit, de aliorum vero Doctrinā vel Dictis quibuscumque licere; Scripturæ subjiciendam esse mentem propter solam ipsius autoritatem, quia errare non potest, aliorum vero Scriptis, vel propter Scripturam, vel Canonicas, vel probabiles rationes, quibus innituntur.

Secunda constat ex C. 3. DIST. XV. in quo GELASIUS anathematis ferit, qui totam hanc Epistolam non acceperint; haec autem exceptio Regulam confirmat; dum enim GELASIUS SS. Patrum Scripta recipienda recensens, soli Epistole inter illa annumeratae honorem hunc tribuit, satis indicat, aliis Scriptis non convenire.

Nec obstat C. I. DIST. XX. ubi LEO IV. dicit Fidem circa Apostolica & quatuor Evangelia inutiliter ad Salutem retineri & credi, si Scripta SS. Patrum indifferenter non recipiantur; nam loquitur de his Patrum locis, quae ab Universali Ecclesia jam probata erant, queque inter Canones collocatae erant, restringit siquidem quod dicit ad ea, quae Canonum nomine circumferuntur.

## REGULA SECUNDA.

In Ecclesiasticis judiciis minorem habent autoritatem SS. PATRUM Scripta, quam APOTOLORUM Canones, CONCILIA ab Universali Ecclesia recepta, & Romanorum PONTIFICUM Decreta.

Patet Regula ex C. I. DIST. XX. ubi LEO IV. id expressè docet.

## §. IV.

*An aliquem ex PATRIBUS aliis JUS CANONICUM preferat.*

## REGULA.

Nonnullis in locis, è Patribus aliqui aliis à Jure Canonico, quodammodo præferuntur.

Patet Regula ex C. 3. DIST. XV. Ibi enim præferri videntur, qui nominatim approbantur, iis, qui in genere tantum recipi declarantur: præterea *ibid.* S. HIERONYMUS *Beatissimus* nuncupatur, alii vero *Beati* tantum vocantur: ad haec de solo HIERONYMO dicit ibidem GELASIUS, se de RUFINO, aliisque, quos S. HIERONYMUS reprehendit, idem sentire, quod HIERONYMUS; sequè de ORIGENE repudiare, quae HIERONYMUS repudiat.... Patet etiam ex C. I. DIST. XX. in quo S. AUGUSTINUS, S. HIERONYMUS, & S. ISIDORUS præcipui nominantur, alii vero sub generali verbo comprehenduntur.

*Tom. I.*

## §. V.

*An SUMMOS PONTIFICES inter SS. PATRES Jus CANONICUM collocet.*

## REGULA.

Summos Pontifices inter SS. Patres Jus Canonicum quandoque recenset; illos ab ipsis quandoque fecerit.

Prima Pars patet ex C. 3. DIST. XV. in quo GELASIUS recensens SS. Patrum Opera, quæ in Ecclesiâ Catholicâ recipiuntur, meminit Epistolæ S. LEONIS Papæ ad FLAVIANUM &c., meminit etiam omnium Prædecessorum suorum Epistolarum Decretalium pro diversorum Consultatione datarum.

Patet Secunda Pars ex C. I. DIST. XX. in quo LEO IV. docens in Judicis Ecclesiasticis non utendum Dictis Sanctorum Doctorum, quales Hieronymus, Augustinus &c. nisi cum deficiunt Canones Conciliorum vel Præfatum Romanorum Decreta, Summos Pontifices à SS. Patribus à parte fecerit; cum illis distinctum & portiorem locum assignet.

RATIO discriminis; Summi Pontifices, qui scripsere, considerari possunt, ut Ecclesiæ Doctores, & ut Controversiarum Judices: 1. Modo spectati, inter Patres collocari possunt, quia eo nomine Ecclesiæ Doctores intelliguntur: 2. Verò modo considerati, à Sanctis Patribus fecerni possunt, quia præter Scientiæ Clavem, qua in Doctoribus, sicut in Pontificibus, reperitur, authoritatis Clavem habent Pontifices, quæ in DD. defideratur. GELASIUS ergo 1. modo Summos Pontifices consideravit; LEO IV. 2. modo illos spectavit.

## §. VI.

*An SANCTORUM PATRUM loca inter Canones relata, vim suam à Canone habeant.*

## REGULA.

Sanctorum Patrum loca inter Canones relata, dum vim à Canone habent, non omnem ab eo hauriunt.

Tres sunt hujus Regulae Partes.

1. Quod quandoque haec loca nullam vim à Canone accipiunt:
2. Quod quandoque ab eo vim accipiunt.
3. Quod, quando vim ab eo accipiunt, non omnem inde accipiunt.

Prima patet ex eo, quod sint SS. Patrum loca inter Canones relata à non habentibus condendi Leges potestem, qualis v. g. GRATIANUS; haec autem loca, ut alibi dictum, non majorem habent vim, quam si inter Canones non referrentur.

Secunda patet ex eo, quod inter Canones, SS. Patrum loca quedam referantur ab habentibus potestem Leges condendi; quales sunt Episcopi & præcipue Summi Pontifices: atqui loca ista vim Legis habent, eamque à Canone hauriunt: talia sunt, v. g. quæ in Decretalibus leguntur.

Tertia patet ex eo, quod præter vim Legis à Canone acceptam, quæ est authoritas publica, aliam habere possunt à Doctrinâ & Pietate illorum, è quibus defumuntur, nec non ex solido, cui innituntur, fundamento, quale est Scriptura Sacra, ratio Canonica, vel probabilis. C. 5. DIST. IX.

## TITULUS VI.

*De Verborum JURIS CANONICI significatione.*

VERBA, quibus Jus Canonicum utitur, considerari possunt, vel in genere, vel in particulari; Si 1. modo considerantur, quæri potest, quid in genere doceat

doceat Canon circa Verborum interpretationem; si 2. sp̄eſtentur modo, quāri potest, qua Verba, quas Locutiones interpretetur Canon: Locutiones Verbis junguntur, tūm quia Verbis componuntur, tūm quia quædam in Canone exponuntur: Idcirco quæ de Verbis hic dicenda sunt in duos §. dividentur.

Sed prius notandum, inter ea, qua sub hoc Tirulo collocabuntur, tantam connexionem esse cum illis, quæ circa Rescriptorum, Privilegiorum, Contrac-  
tuū interpretationem suis locis colligentur, ut quæ hic deesse videbuntur, absque ulla temporis jacturā, indicatis locis, quāri, inveniri posse possint.

Notandum quoque cum CONZALEZ in C. 6. de Donat. inter 11. 12. &c. Studium Verborum Juris, maximi momenti esse ad Sapientiam Juris comparandam; ea enim non tam in tacito intellectu naturæ, aut intentione Legislatoris, quam in Verbis Legum continetur.

## §. I.

*Quid doceat JUS CANONICUM circa Verba in genere sumpta.*

## REGULA.

Non alia docet Jus Canonicum circa Verba in genere, quam ista.

1. Verba interpretanda sunt, ut communiter intelliguntur. C. 7. de Sponsal.

2. Intelligentia Dictorum ex dicendis Causis sumenda est: Non res Sermoni, sed Sermo rei servit, C. 6. de Verb. Signif.

3. Sermonis interpretatio non ex verbo ad verbum, sed ex sensu ad sensum fieri debet; dum enim Verborum proprietas attenditur, Veritatis sensus amittitur. C. 8. eod. T.

4. Non Verba, sed Intentionem proferentis considerare debemus, cum non Intentio Verbis, sed Verba Intentione debeant deservire. C. 15. de Verb. Sig. C. 41. de Appell.

5. Non obest varius modus dicendi, narrandi que diversitas, ubi idem in substantia afferitur. C. 7. de Verb. Sig.

6. Pluralis Locutio non semper infert suas singulares partes, numerumque pluralem; sed quandoque de uno in communi & in genere exponi debet. C. 24. de Privil.

7. Verba, quibus Principis Beneficium exprimitur, sunt legitimè interpretanda, quantum patitur illorum communis acceptio, cui adhaerendum. C. 16. de Verb. Sig. FAGN. in illud n. 41.

8. Pluralis Locutio duorum numero est contenta. C. 40. de Reg. Juris in VI.

9. In Obscuris inspicendum quod est verisimilius, vel quod plerūque fieri consuevit. C. 45. ibid.

10. Verba eo sunt interpretanda modo, ut res magis valeant, quam pereant. C. 1. de Fide Instrum. C. 25. de Verb. Sig.

11. In Ambitionis stricta fieri debet interpretatio. C. 1. de Tit. Prab. in VI. C. 21. de Prab. in VI. C. 3. de Offic. Ordin. in VI.

12. In Dubiis benigna facienda est interpretatio; qualis quæ obscurè jurantis verba ita explicet, ut iuramentum consonet cum Canonis Institutis; qualis etiam quā sit, ne ex Viri Prudentis verbis aliquid absurdum sequatur C. 2. de Jurejur. C. 3. de Verb. Sig. in VI. §. & dato.

13. Natura termini restrictivi habet, quod sic excludat extranea, ut cuncta ad ipsum pertinentia includat. Clem. 1. de Verb. Signif. §. Cūm autem.

14. Quod de uno (id est de unā Generis parte) negatur, consequens intellectus patet, quod de quibusdam aliis conceditur. C. 4. DIST. XXV.

15. In connexis quod de uno dicitur necesse est, ut de altero intelligatur. C. 3. de Conſtitut.

16. Constitutionis Particularis Verba secundum Jus Commune interpretanda sunt, nisi aliundē pateat gratiam impetrari Constituentem voluisse; hinc cūm constituitur, ut Episcopo solvatur tertia Pars eorum, quæ Ecclesie legantur, excepta fuit ex iis Legatis quæ Jure Comuni excipiuntur.

17. Porro Regula dari potest, quod quoties in Regulis juris, hac vox, *Fides*, adhibetur, de bonâ, vel malâ Conscientiâ intelligenda est, vel de Fidelitate; sed ut plurimum de Conscientiâ, rarissimè Fides hic sumitur pro Fidelitate R. 75. in VI. Unicum exemplum hujus rei continere videtur C. 31. de Verb. Sig.

## §. II.

*Quæ Verba, quaque Locutiones JUS CANONICUM interpretatur.*

## REGULA.

Non alia circa hunc §. leguntur in Jure Canonicō, quam ista.

1. Nomen *Sanctitas*, dabatur olim Episcopis ab ipso metu summō Pontifice. C. 52. C. 102. CAUS. II. QUÆST. III.

2. Idem de nomine, *Beatitudo*.

Hinc Antiqui Canones, in quibus alterutrum Nomen datur iis, quibus Sermo dirigitur, non sunt capropter de Summo Pontifice interpretandi C. 102. max cit.

3. De appellatione Clericorum, Presbyteri & Diaconi intelliguntur. C. 38. CAUS. II. QUÆST. I.

4. Nomen, *Pater*, *Avos* & *Proavos* comprehendit. C. 2. de Verb. Sig.

5. Decedens ubi natus est, habetur ut non natus. C. 3. de Verb. Sig.

6. *Antequam*, *donec*, *Præcedentia*, non Subsequencia includunt. C. 4. eod. Tit.

7. *Primogenitus* dicitur, is qui primò nascitur, et si aliis post illum natus non sit. C. 5. eod. Tit.

8. *Prepositus* dicitur is, qui quædam Prioratus cum ram gerit suprà alios: C. 9. eod. Tit.

9. Pronunciari potest Diffinitiva Sententia, his verbis: *Statuo*, *Præcipio*. Quod ita fiat sicut & iis: *Condemno*: *Absolvo*. C. 15. eod. Tit.

10. Hæc vox, *Vix*; non tam negat quid fieri, quam difficulter fieri affirmat. C. 2. de Cognat. Spirit. in VI.

11. *Evidens*, *Notorium* & *Manifestum* sunt synonyma, idemque significant. C. 31. de Eleſt. in VI. C. 2. de Verb. Sig. in E. L.

12. Per *Negotia* generaliter sumpta, intelliguntur negotia Extrajudicialia & Judicialia. C. 5. de Procuratorib. in VI.

13. Quos Papa recipit in Filios speciales, non ideo eos ab Ordinario eximit. C. 1. de Verb. Sig. in E. L.

14. *Desertus*, locus est, qui nec penitus habitatus, nec cultus, vel ultrà Hominum memoriam. ibid.

15. Statuentes non recipere Mandatarium Apostolicum, aliumve similem, *Conspiratores* dici possunt. C. 2. de Verb. Sig. in VI.

16. Per *Cellas* intelligi possunt loca secreta, & solitaria, quæ ab Hominum convictu separata, ad contemplandum, Deoque vacandum sunt deputata. C. 4. eod. Tit. & L.

17. Quando aliqui indulgetur, ut suorum Clericorum Beneficia conferre possit, id de Clericis verè Domesticis, Familiaribus, Commensalibus intelligendum est. Cap. ult. eod. T. & L.

18. Nomen *Censurae* Excommunicationem, Suspensionem, Interdictum comprehendit. C. 20. de Verb. Signif.

19. *Mani-*

19. *Manifestum* est, quod confirmatione vel probatio legitima, vel rei evidencia, qua nullam patitur tergiversationem notum est. C. 24. E. T.

20. Hæc vox, *Moderari*, diminuere significat. C. ult. Eod. Tit.

21. Nomine, *Dannorum*, expensæ non comprehenduntur. C. 8. de *Injuriis*.

22. Quandò in privilegiis excipitur jus *Matricis Ecclesiae*; per Matricem Ecclesiam, Cathedralis, non Romanam intelligenda est. C. 22. de *Verb. sig.*

23. Si sententia de re aliqua dicat, eam in statum, in quo tempore mota litis erat, restituendam, referendum id est, ad tempus, quo litis contestatio facta fuit. C. 30. de *Verb. signif.*

24. Vox hæc, *Excommunico*, sine additione ullâ posita, de majori Excommunicatione intelligenda est. C. 59. de *Sent. Excom.*

25. In Confirmatione alicujus Compositionis ex certa Scientiâ factâ, hæc clausula (*sicut sine pravitate facta est*) non conditionaliter, sed causativè sumitur, id est non exprimit conditionem, sub quâ sit Confirmation, sed causam, propter quam sit. C. 8. de *Confirm.*

26. Nomine *Interdicti Generalis*, non solum intelligitur illud, quo Regnum vel Provincia, sed etiam illud, quo Villa vel Castrum interdicitur. C. 17. de *Verb. sig.*

27. *Novale* est ager de novo ad cultum redactus, de quo non extat memoria, quod aliquando cultus fuisset. C. 21. de *Verb. sig.*

28. Per *Ecclesiast. Diœcesis* nomen ferentem, intelligitur Capitulum; saltem si agatur de juramento, quo Ecclesia isti se quis adstringit, aliove se obligat modo: unde jurans Ecclesia Parisensi se obediturum, Capitulo Ecclesiæ Cathedralis hujus Diœcesis se obligat. C. 19. ibid.

29. *Oblationis* nomine intelligendum est quidquid Ecclesia offertur; quocumque modo vel loco id offeratur, atque ita interpretanda est vox ista in assignanda Oblationum portione iis, quibus certa illarum Pars debetur. C. 29. ibid.

30. In re favorabili, *Beneficii* nomine, nedum minorâ, sed & majora comprehenduntur Beneficia. C. 32. de *Verb. sig.*

31. Clauſula hæc (*Salvâ justitiâ*) qua inseri solebat in Indulxit permittentibus, Parochianos sepulturam extra Parochiam recipere, quaque Parochio reservatur Portio ex emolumentis sepulturae, interpretanda juxta Locorum Consuetudinem plus minusque concedat. C. 9. de *Sepult.*

32. In quacunque dispositione verba accipienda cum effectu. C. 4. de *Cleiv. non resid.*

In colligendis iis, qua Verborum significationem spectant, consulto omissa sunt, qua sub hoc Titulo, nec non sub aliis, circâ illorum Chronologian habentur; idque qua hæc respicit tantum nomina, non illorum significata; hæc autem agitur de rebus significatis, non de nominibus illarum, ipsorumque origine.

Prætermisimus etiam, quam plura circâ explicacionem Clausularum, quarum intelligentia multum pender ex speciali materia, ad quam pertinent, quia suo loco utilius congruentiusque explanabuntur.

## TITULUS VII.

### Observationes circâ ipsas JURIS CANONICI Regulas.

UT sunt in Philosophiâ & Theologiâ Axiomata; ut sunt in Medicinâ Aphorismi, quibus plurimæ circâ has scientias Questiones deciduntur, qua id est accuratius docentur & discuntur; ita sunt in Jure Canonico quadam Regule, quibus varia hujus Juris dubia resolvuntur, quæque idcirco à CHASSANAO

Tom. I.

Juris Axiomata vocantur *Enchiridion* n. 480. Cognitâ ergo & mature perpensa illarum necessitate ac utilitate, hic omnes pro posse non tamen sine delectu colliguntur, eosque ordine, quo facilius & intelliguntur & retinebuntur, præmissis tamen nonnullis circa illas scitu necessariis.

Nota ergo 1. ex omnibus Juris Canonici Collectoribus solum BERNARDUM Papæ Praepositum & BONIFACIUM VIII. Regulas Juris collegisse: BERNARDI Regulas Mores tantum respicere; BONIFACII vero Regulas quamlibet Juris Materiam spectare, eumque imitatum esse MARTIANUM, ULPIANUM, CAJUM, PAULUM, aliosque, è quorum Libris Regulas Juris continentibus TRIBONIANUS ultimum Titulum Digestorum de Diversis Antiqui Juris Regulis inscriptum composuit, confecitque.

Nota 2. circâ illarum originem, duplex Regulatum Juris genus esse, alias nempe, quibus Juris Autores Decisiones, vel Constitutiones suis firmarunt, illasque considerandas ut Juris Principia; alias vero, qua ex Constitutionibus vel Decisionibus Juris Conditorum collecte sunt, istasque spectandas esse ut Juris consequentias: Utramque Regularum acceptione non notat & probat CANIS. init. Comment. in Regulas VI. jam vero Glossa connectens Tit. de Regulis Juris cum præcedentibus docet, Regulas Juris esse Principia, quibus decidi possunt Casus, qui non sunt expressè vel specialiter in Jure decisi.

3. Juris Compilatores 2. modo Juris Regulas considerasse, idèoque in postremo Collectionum suarum loco illas collocasse.

4. Nos illas hic primo modo spectare, tunc quia sunt Juris consequentiae, ab ipsis Juris Conditoribus nonnunquam ad decidendum usurpatæ, ut patet percurrere volenti Capita suo loco citanda; tunc quia jandiu ad Decisiones, tamquam Leges adhibentur, idèoque Juris Principiis nos illas attexere non immunito; Basilicon Collectorum exemplum sequentes, qui Juris Civilis Regulas inter Præcipuas hujuscem Juris Partes collocarunt. L. 2. Tit. 3.

5. Illarum Regularum quasdam, ad quamvis Juris Materiam extendi, alias vero vel Mores vel Judicia, vel Beneficia præcipue respiceré: Idcirco Juris Regulas dividi posse in *Communes* & in *Particulares*; istas vero subdividi in *Morales*, *Judiciales* & *Beneficiales*; *Morales* etiam subdividi posse in *Præceptorias*, *Permissorias*, & *Prohibitorias*; quia omnia, quæ Mores tangunt, vel sunt præcepta, vel permitta, vel prohibita; has autem Divisiones nos secuturos, ut tractandæ Materiæ congruentiores.

6. Circâ nomen, Regulam dici, ex eo quod recte ducat, nec quemquam altorū trahat, vel quod recte regat: Circa rem hoc nomine significatam, Regulan est brevem Juris sententiam, uno quasi verbo res aliquas decadentem.

Postremò nota, plurimas Juris Canonici Regulas ē Jure Civili esse defunctas, multas quoque prioris generis magnam inter se habere connexionem, cuius monebitur Lector aliarum in aliis citatione.

## CAPUT PRIMUM.

### DE COMMUNIBUS JURIS REGULIS.

#### OBSERVATIO.

*Non alia in JURE CANONICO leguntur Communes JURIS REGULÆ, quam que sequuntur.*

I. EX post facto nequit convalescerè, quod ab initio non valebat; vel quod ab initio non valuit. tractu Temporis convalescere non potest.

Ex his duabus Regulis una fit, quia ad idem reducuntur; nempe quod res in se irrita, rata fieri nequeat per id, quod subsequitur, nisi interveniat Superioris

b 2

autho-